



Inatsisartunut ilaasortaq Agathe Fontain
Inatsisartut
/MAANI

§ 37 nr. 2014-020 naapertorlugu apeqqummut akissut, Sisimiuni saarullit tunisaanerannut tunngasoq

05-02-2014
Suliap normua 2014-095082
All. nr. 1461865

Inatsisartut suleriaasissaanni § 37, imm. 1 naapertorlugu aalisartut Sisimiuni tulaassuisinnaaneratt pillugu Naalakkersuisunut apeqquteqarputit, taamatutaaq pingaartumik saarullinnik tunisisoqarsinnaanerannut tunngatillugu taamatullu Royal Greenlandip tunisinissamut periarfissaanut tunngatillugu inissisimaneranut tunngatillugu. Apeqqut uannut akisassanngortinneqarsimavoq.

Postboks 269
3900 Nuuk
Oqarasuaat (+299) 34 50 00
Allak. (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Royal Greenland A/S nalunaarsimavoq Sisimiuni fabrikkia saarullinnik tigooraassaguni Sisimiormiut assagiarsunniat Maniitsumut tunisiartortalissasut. Tamanna Naalakkersuisut isumaqatigaat?
2. Saarullit qassit tonsit tigooraneqarpata qaqugu taamatut pisoqarniarpa?
3. Royal Greenland A/S-ip Sisimiuni fabrikkia pillugu pilersaarutai suuppat?

Akissutit:

1-3-mut)

Nalornissutigineqassanngilluinnarpoq Naalakkersuisut siunertarilluinnarmassuk aalisarnermik inuussutissarsiteqarnerup Kalaallit Nunaanni inuussutissarsit pingaarnersaattut periarfissarsaartinneqarnissaa. Taamaapporaaq tunisinissamut periarfissat eqqarsaatigalugit aalisartunut sapinngisamik pitsaanerpaanissaat kissaatigatsigu. Naalakkersuisut namminersortut suliffeqarfiutaata aqunneqarnerannut akuliussinnaanngillat, kisiannili Naalakkersuisut suliffeqarfinnik ataasiakkaanik periarfissanut tunngatillugu suleqatiginnissinnaapput, taamatutaaq Royal Greenland A/S-imik, aalisartut sapinngisamik pitsaanerpaanik periarfissinneqarnissaat qulakkeerniarlugu. Pingaaruteqarpoq erseqqissassallugu aalisartut aamma Royal Greenland assigiinnik soqutigisaqarmata. Aalisartut aalisakkanik tunioraanertik tunisarnertillugu inuussutigaat, Royal Greenlandip aalisakkat suliarineqartarnerat tuniarneqartarnerallu ingerlanerminut tunngavigai. Tassalu tunioraasoqanngippat tunisassiorqarnaviannilaq.

Tunitsivissaqarniernermut tunngatillugu pisoqarsimaneranut tunngatillugu eqqorpoq aalisakkanik tunitsivissaqarnissamik pisariaqartitsineq malissallugu ajornartorsiteqartoqarsimammatt, pingaartumik saarullinnut tunngatillugu. Tamakku aqqinniarlugit maannakkut sulissutigineqalerput. Sisimiuni suliffissuarmi saarullilerivissaq pilersinneqassaaq saarullilerinissamullu piareerneqassalluni, peqatigitillugu Sarfannguani Itillimilu saarullinnik tunisinissamut periarfissiisoqassallunittaaq. Kisiannili piffissap ilaani saattuat tunisaaneratt unitsittariaqassalluni.

Saattualeriffimmi suliffissuup natii qangalili nutartertariaqalersimapput. Maannakkut taamaaliortoqarpoq. Taamaalereerpat siullermik saarullinnut tunitsiviliiisoqassaaq. Kingusinnerusukkut taamatutaaq suliffissuarmi nutaamik saattualeriffeqalissaaq. Saattualeriffissaq taanna naammassineqareertinnagu Sisimiuni saattussanik ajuusaarnaraluartumik tunisisoqarsinnaanngikkallassaaq.

Inussiarnersumik inuulluaqqusillunga

Finn Karlsen